

丁亥詩鈔

丁亥詩鈔

高郵王念孫懷祖

偕任一子田游蒜山

杖策期我侶極目煙嵐飛披徑躡曾岡緣源面修竒空
水寒無姿澹綠生已微蹉跎一老僧隔澗開山扉延客
坐松寮梵響生清機谷幽光易迷江遠聲逾稀眾籟官
狀合心清無是非憩久神彌愜徙倚憺忘歸謝手向青
嶺逶迤窮林霏
山光引遊子窈窕乘險巇路岐情屢眩徑錯興逾發脩
竹翳曾陰危松綴殘雪人鳥盡無聲蕭蕭林響徹岸轉

失來蹤谿明得弄白白日下江皋餘暉蕩晴碧夕嵐落
千尋空色遞相激握手尋舊谿一一想所歷忽看江上
月先已挂蘿壁

泛舟至芙蓉館

宗子相
讀書處

出顰眄平阡臨流泛虛艇空天如鏡浮倒影牽游苕孤
館面迴汀地僻風日冷一水共蒼茫蒲稗相與永菑菑
萼猶敷伊人躅何迴鴻寶今琳琅仲蔚簪幽屏佇立無
一言斜易對孤景

同任子田夕步南陂

青天澄莫燁片月出林莽言期素心友攬衣同一往憩

足面迴渚眾色寒蒼蒼一水寂無聲菰蒲自生響隔浦
聞櫂歌清思落雙槳夜深羣象闌空林散餘爽

空翠亭

我游空翠亭遂躡空翠窟仄處迷向背晝光寒不入高
僻散長風到面作飛雪積陰帶江聲冷中石骨裂鉤絡
枯藤幽剝啄古扉缺虛寺鐘一聲客魂隨寥泝塵氛此
俱隔唯有仙氣結願得託茅茨終焉蒼疏拙

裴公洞

茲洞結窈窕嵌空有神力入穴盲如迷石氣錮深黑但
聞人語聲渾忘身所歷隙處景忽開一髮生虛白山鬼

穴其陰不辨朝與夕一一苔蘚痕老此萬古碧令公謝
華簪枯禪契元寂四顧無一言空翠滴巾服

同任三石農登文峯塢

拾級縱高步攜手陟曾顛盼睠出世界磴道盤幽元二
曜森在列北斗峭可攀神鬼結杳冥蛟蚪蟠蜿蜒寒飈
吹孤光近落須眉閒衣上生浮雲履下絕飛鳶俯首見
城闕漠漠空寒煙蒹葭渺無際一髮延江天連山望不
極蜃氣相摩吞久立豁匈臆塵壒無由緣奚事徇喧卑
蒿下空自憐

河間道中遇雷雨作

水石無聲蒸鬱自生響翻雨

連山吞雲氣掣電相追飛風吹白艸短雨捲黃埃來霹
靂迸我奔噬我爲之陸驅車石梁下愴怳精魄迷漠漠
鬥神鬼慘慘橫蛟螭騰翻曜躔陟落銀潢低蒼昊不
可仰孤光激輪躑百谷同一聲下上爭喧阗移時吐羲
魄斜曛暄溼衣長虹馳遠景飛挂荒城西行行日已暮
僕馬同疲饑謝介朱門子高堂戒勿來

偕任子田游東阿山中

出韻眄遙岑極目暖蔥蒨跼步陟崇岡幽境齊所願捫
蘿俯翳屏披榛詫凌亂觸穴發殊響心寂乃能辨林密
天光微徑轉石狀變落日暎奔峯後顧采逾絢夕靄薄

空翠勢與飛鳥散
緬想臨淄侯靈躅
畱山縣子尋舊谿
臨風一長歎

寄呈李大司馬

通潞南下停輕橈
汶流活活風蕭蕭
青衫搖落浣塵土
暫淹驛堠趨旌旄
河渠溝洫傳太史

帝運經緯咨臣僚
都水使者領天祿
網絡今古嘉謨超
司空法炳六典在
畫全體芟膺么如
公建策定羣議
天吳不肆鯨不驕
傳家況闡九經奧
石倉汲冢窮爬騷
建安文章尚餘事
箋繹會使門生鈔
嗟余小子操末技
父書未讀慚縣匏
餐花之論輸不竭
宋聽能使凡情銷

扁舟沿溯五經日時有急浪衝靈蛟曉看北斗向人立
伐鼓徑渡聲噉嚙此情尙壯肯蛭伏擬卽返策趨蕪郊
隔季重款艸元閣衆情願更傾醕醪

石佛牕放舟

理檝卽長路水氣侵我衣石咽清流響崖排古木齊
嫋嫋者萼靜瑟瑟兼葭稀獨鳥下遙空勢與殘雲低空明
豁心目方悟葑塗迷孤檣去容與興言尋舊谿

文游臺懷古

步出城東門徑造茲臺顛音光回百艸四顧何芊芊東
睇窮大海西緬橫長川羣颿望不極雲霧相摩吞憶管

岷峨客相逢淮海英

叶

英奇聚以類復連王與孫談笑

怯神鬼詩歌動地天風流足千古與臺常新鮮誰云丘
垤小竟作喬嶽觀今日覽遺蹟祠屋蔓荒榛冉冉日已
晚浩歎情壯殷恨無雙飛翼凌風覲曩賢

耆耕詩擬陶

愧無經濟術聊復事耘耔耆來土脈動甘雨正時行農
興向南畝雲與煙霧并饁婦多喜色牧豎傳歌聲邨店
颺青旂四野明丹英中田何所望但見桑麻盈夏有素
心人耦耕無俗情依依話今古地與吟裛清顧此徜徉
意万事秋豪輕

登海陵泰山墩懷古

廢壘蕭條白日高
當年駐馬護空壕
君臣海上偏安定
父子江邊百戰勞
廟拱荒城迷雉堞
魂縈野水肅風濤
夜深古木聲聲急
猶似軍威振羽旄

晚泊湖口

落日澹湖津
遠水平於掌
雲閒萬樹浮
天末孤煙上
靡渚萼靜撼
撼蒹葭響空
翠漾我舟川
光夕滉漭遇
物聊自適地
僻任俯仰清
風左右來習
習形神爽浩
歌酌餘霞曲
盡延幽賞睇
彼孤雁飛獨
掠平蕪往

晚次江口

落日下晴皋江干宿遠舸風煙盤鐵甕波浪吞金鼇地
埽千檣隱天空一雁高蒼茫懷古客獨對把松醪

月夜游焦山作

江上夜潮生羣颿疾於駛篙師理櫂嚮天風櫂歌一聲
催月起漠漠遠天分青山髮一痕磊落纔驚甘露石巉
峨又抵焦巖門鼓聲坎坎下三四停橈陡作揆幽計埭
葛攀藤振衣上但覺江風颯颯吹殘醉旣陟千盤磴還
登九折臺法物杳難辨幽人不復來丹鑪火寂鶴駕遠
講經坐榻生莓苔上有排空亂石勢欲墮下有洪波万
派聲如雷躡天根窮地籟絲霜飄揚仙雲掩靄万樹青

冥濛銀灣皎如帶遙看北斗七個向江低仰望明星數
點當空挂遠巘重重隱天外海氣蒼茫蒸萬態便欲子
景赴蓬萊仰攀金支璇闕虛無內忽狀霧起滿天閭江
南江北知何方馮夷擊鼓羣靈舞魚龍襍遯紛翱翔罔
象橫衝雲岸沒銀濤蕩涵山低昂掉頭鹵望目頻眩惟
見金山一坵礪礪巉天長仙境不可期窈窕神馳越倏
狀放長歌飛下蒼煙窟片颿遠發天欲明列岫拱峙雲
亂升對岸遙傳鐘磬響扶桑日滉晨雞鳴

天長道中晚晴

連山捲亂雲餘霞遞明滅落日帶疏林倒景挂城闕碧

天瑩如鏡四野煙光豁淨水搖疏星孤蛺澹新月伊余
愜所向足以洗煩渴寄語達觀者共此形神潔

冬日郊行晚歸山莊

晨起飯藜藿杖策過桑田木葉始盡脫悠悠見南山竹
林殘雪墮石穴寒流穿遙情寄平野緩步籬落間農夫
飽新穀倚杖立晴天檐端耒耜襍籬外兒童喧落日下
空坂雞犬聚人煙長歎過東皋自逐樵聲還
牛羊下來久柴門忽已開帶月叩柴門籬中犬迎吠天
寒樹色短地白人景細小橋無行蹟靜與艸舍對一尊
但常滿百事秋豪繫造化慳此樂何幸及我輩醉酣臥

短榻清夢空塵累雞鳴桑樹顛日出飛鳥外

先觀察少爲攷訂聲音文字訓詁之學吟詠迺其餘事
閒爲里黨詩及涉筆逮通藉後輟不復爲此冊題曰丁
亥詩鈔蓋二十四歲時作也

先觀察召詩法教敬之者備矣敬檢

遺著付諸棗梨用志

庭誥道光十有四年甲午孟冬男敬之泣書冊末

宣統改元夏五後學繆荃孫校刊

